

1. **OPĆINA STARI GRAD SARAJEVO** , ul. Zelenih beretki br.4 koju zastupa Općinski načelnik Općine mr. Ibrahim Hadžibajrić (u daljem tekstu: Naručilac)
ID broj: 4200738880009
PDV broj : 200738880009
Telefon: 033/282-404
Fax: 033/220-804
e-mail: info@starigrad.ba
2. **KJKP " RAD" d.o.o.** iz Sarajeva, ulica Paromlinska 57, Sarajevo koga zastupa direktor Selim Babić (u daljem tekstu: Izvođač radova)
ID broj: 4200316890001
PDV broj : 200316890001
Telefon: 033/ 710-271
Fax: 033/643-966

Zaključili su :

UGOVOR
O IZVOĐENJU RADOVA ZIMSKOG ODRŽAVANJA SAOBRAĆAJNICA
NA PODRUČJU OPĆINE STARI GRAD SARAJEVO
ZA PERIOD 15.11.2017. - 15.03.2018. godine

I PREDMET UGOVORA

Član 1.

Predmet ovog Ugovora je regulisanje međusobnih prava, obaveza i odgovornosti između Naručioaca i Izvođača radova na izvođenju radova na izvođenju radova : **Zimsko održavanje saobraćajnica na području Općine Stari Grad Sarajevo za period 15.11.2017. - 15.03.2018. godine.**

Član 2.

Ovim Ugovorom utvrđuje se izvođenje radova iz Člana 1. ovog Ugovora, a u skladu sa Ponudom Izvođača broj: **01-04-02-20382/PS od 03.11.2017. godine** koja je sastavni dio ovog Ugovora.

Ugovor se zaključuje na osnovu Člana 1. Okvirnog sporazuma broj: 01/1-05-8267/16 od 04.01.2017. godine, zaključenog između Naručioca i Izvođača radova nakon provedenog Otvorenog postupka .

Član 3.

Naručilac naručuje, a Izvođač radova prihvata izvođenje radova : **Zimsko održavanje saobraćajnica na području Općine Stari Grad Sarajevo za period 15.11.2017. - 15.03.2018. godine**, a prema jediničnim cijenama iz Cjenovnika jediničnih cijena koji je sastavni dio Ponude, a koje su identične sa cijenama iz ponude Izvođača radova koja je sastavni dio Okvirnog sporazuma.

Radovi će se izvoditi u skladu sa važećim propisima, tehničkim normativima, standardima i pravilima struke.

II VRIJEDNOST UGOVORENIH RADOVA

Član 4.

Vrijednost ugovorenih radova iznosi :

<i>Redni broj</i>	<i>NAZIV</i>	<i>PRIORITET</i>	<i>CIJENA bez PDV-a</i>
1.	Saobraćajnice	I,II,III I IV	184.463,46 KM
2.	Trotoari	I, II I III	57.789,32 KM
3.	Mostovi	I, II	2.356,50 KM
4.	Stepeništa	I, II I III	66.201,35 KM
5.	Sanacija udarnih rupa, odvoz snijega i distribucija soli	*	41.180,00 KM
	UKUPNO BEZ PDV-a :		351.990,63 KM
	POPUST 38 %		133.756,44 KM
	UKUPNO SA POPUSTOM I BEZ PDV-a :		218.234,19 KM
	IZNOS PDV-a :		37.099,81 KM
	UKUPNO SA PDV-om :		255.334,00 KM

UKUPNO : 218.234,19 KM
PDV : 37.099,81 KM
UKUPNO SA PDV-om : 255.334,00 KM
(dvijestotinepedesetpethiljadatristotinetridesetletiri KM)

i ne može preći iznos od 255.334,00 KM (sa PDV-om) za period
15.11.2017. - 15.03.2018. godine

Ugovoreni iznos može biti niži, što zavisi od vremenskih prilika i obračuna stvarnih količina izvršenih radova.

Član 5.

III OBRAČUN I NAČIN PLAĆANJA

Obračun cijene izvršenih radova će se vršiti na osnovu izvršenih količina utvrđenih dnevnim , sedmičnim i mjesečnim izvještajima prema cijenama datim u ponudi, a koje su usklađene sa cijenama datim u Okvirnom sporazumu.

Obračun će se takođe vršiti i na osnovu Metodologije obračuna cijene zimske službe, koja je sastavni dio Okvirnog sporazuma i ovog Ugovora .

Plaćanje će se vršiti na osnovu privremenih mjesečnih i okončane situacije u roku od 30 (trideset) dana od dana prijema privremene odnosno okončane situacije. Privremene mjesečne situacije sastavljaju se krajem tekućeg mjeseca, na osnovu stanja izvršenih radova .

IV ROKOVI

Član 6.

Radovi će se izvoditi tokom ugovorenog perioda na osnovu dinamike i rasporeda koji će utvrditi Naručilac i Izvođač radova, a prema zahtjevu i prioritetima koje utvrdi Naručilac.

V NADZOR NAD IZVOĐENJEM RADOVA

Član 7.

Nadzor nad izvođenjem radova vršiće ovlašteno lice Naručioca što će biti utvrđeno posebnim rješenjem.

Nadzor u pogledu ispunjenja ugovorenih obaveza sastoji se posebno od kontrole :

- * količine izvedenih radova
- * izvođenje radova prema tehničkoj dokumentaciji, odnosno pravilima struke i ponudi
- * kvalitete radova
- * cijena iskazanih u Okvirnom sporazumu i u ovom ugovoru

Nadzor će se provoditi svakodnevno , a dinamika i ažurnost nadzora mora biti u skladu sa dinamikom izvođenja radova.

VI UGOVORNA KAZNA

Član 8.

Ukoliko Izvođač sa kojim je zaključen pojedinačni ugovor ne izvrši radove u ugovorenom roku, obavezan je da za svaki dan zakašnjenja plati Ugovornom organu iznos od 0,2% ukupne cijene konkretnih radova, sa time da ukupan iznos ugovorne kazne ne može preći 5% ukupne cijene od konkretne radove. Pravo Ugovornog organa na naplatu ugovorne kazne ne utiče na pravo Ugovornog organa da zahtijeva naknadu štete.

VII OSTALE ODREDBE

Član 9.

Na odnose koji nisu regulisani ovim Ugovorom, primjenjivaće se odredbe Zakona o obligacionim odnosima .

Član 10.

Izvođač radova se obavezuje da u roku od 7 (sedam) dana od dana prijema i potpisa ovog ugovora, dostavi bankovnu garanciju za dobro izvršenje posla.

Ovaj Ugovor se primjenjuje od 15.11.2017. godine.

Član 11.

Sastavni dio Ugovora je :

- * Program Zimskog održavanja
- * Spisak saobraćajnica za zimsko održavanje na području Općine Stari Grad Sarajevo, usklađen između predstavnika Općine i Izvođača radova.
- * Metodologija obračuna
- * Ponuda Izvođača sa jediničnim cijenama (usklađene sa cijenama iz Okvirnog sporazuma), broj: **01-04-02-20382/ PS od 03.11.2017. godine** koja je sastavni dio ovog Ugovora.
- * Bankovna garancija za dobro izvršenje

Član 12.

Ovaj Ugovor je sačinjen u 6 (šest) istovjetnih primjeraka, od kojih Naručiocu pripadaju 4 (četiri), a Izvođaču radova 2 (dva).

Za Izvođača :
Direktor

Selim Babić

Za Naručioca:
Općinski načelnik

mr. Ibrahim Hadžibajrić

Broj : _____
Sarajevo, _____

Broj: 01/1-05-01-520/17
Sarajevo, 08.11.2017. godine

Program zimskog održavanja saobraćajnica na području Općine Stari Grad Sarajevo

Radovi na zimskom održavanju obuhvataju: čišćenje i održavanje ulica, trotoara, mostova, stepeništa, čišćenje i uklanjanje snijega sa kolovoza, cesta, ulazno-izlaznih traka, proširenja i prilaza posudama za odlaganje otpada, zaštitne mjere protiv stvaranja poledice, nabavku i distribuciju soli za sprječavanje poledice, sanaciju udarnih rupa hladnim asfaltom.

Radove na zimskom održavanju na području Općine Stari Grad Sarajevo izvodi KJKP "RAD" d.o.o. Sarajevo.

Zimsko održavanje saobraćajnica vrši se u skladu sa Zakonom o cestama FBiH ("Službene novine Federacije BiH", broj 12/10, 16/10 i 66/13) i Pravilnikom o održavanju javnih cesta ("Službene novine Federacije BiH", broj 69/10 i 56/15).

Zimska služba djeluje uvođenjem stepena pripravnosti o očekivanim vremenskim uvjetima i geografskim klimatskim karakteristikama područja.

I stepen pripravnosti:

Prvi stepen pripravnosti, uvodi se sa početkom rada zimske službe. Od 15.novembra do 15.marta uvodi se stalno dežurstvo u mjestima pripravnosti, uspostavlja se stalna veza u skladu sa programom rada, te osigurava potreban broj ljudstva i mehanizacije radi intervencije u slučaju potrebe (cestarska služba i kamioni sa plugom i posipačem, posebno na važnijim cestama i cestama u brdskim i planinskim predjelima). U prvom stepenu pripravnosti vrši se preventivno posipanje u slučajevima za očekivati da će se temperature spustiti ispod nule i da će zbog toga doći do poledice na vlažnim mjestima (mostovi, osojna mjesta).

II stepen pripravnosti:

Uvodi se kada temperatura zraka oscilira oko 0° C uz mogućnost padavina i pojave poledice.

Podrazumijeva uključivanje u rad svih planiranih vozila sa opremom za čišćenje snijega i sprečavanje poledice, pomoćni radnici, kao i sredstva za utovar posipnog materijala, a uvodi se kad to vremenski uslovi zahtijevaju (slabije sniježne padavine i pojava poledice). Okvirno vremensko angažovanje je 90 dana, ili više ako to zahtijevaju vremenski uslovi tokom zimskog perioda.

III stepen pripravnosti:

Uvodi se kad se očekuje dugotrajnije padanje snijega koje zahtijeva posebne radove uklanjanja snijega sa kolovoza, kada se pored vozila sa plugom i posipačem i sredstva za miješanje i utovar posipnog materijala, uključuju i jači utovarivači, grejderi i freze za ogrtanje i odbacivanje snijega sa kolovoza. Iz podataka za prethodne 3 zimske sezone, okvirno vremensko trajanje angažovanja je 60 dana, ili više ako to zahtijevaju vremenski uslovi tokom zimskog perioda.

IV stepen pripravnosti:

Uvodi se kad sniježne padavine, uz jak vjetar, imaju karakter elementarne nepogode i kad planirani broj ljudi i mehanizacije, nisu dovoljni za uklanjanje snijega i kada se uz saglasnost upravitelja uvode i dodatna sredstva rada i radna snaga. U tim uslovima Federalno ministarstvo prometa i komunikacija može odobriti privremenu zabranu saobraćaja za pojedine kategorije vozila ili sav saobraćaj, radi sigurnosti učesnika u saobraćaju.

Ukoliko dođe do proglašenja elementarne nepogode, poduzimaju se mjere iz Programa zaštite od elementarnih nepogoda koji donosi Služba za civilnu zaštitu Općine Stari Grad Sarajevo i u tom slučaju radovi se ne vrše po ugovoru za zimsko održavanje lokalnih cesta, stepeništa, mostova na području Općine Stari Grad Sarajevo. Ova situacija traje sve dok se ne objavi prestanak elementarne nepogode.

Ulice, mostovi, stepeništa i trotoari raspoređeni su u 4 (četiri) prioriteta, prema kojima se vrši čišćenje.

Na cestama i prioriteta, radovi na obezbjeđenju prohodnosti moraju se izvoditi permanentno u cilju obezbjeđenja stalne prohodnosti i dovršiti u roku od 5 sati u nizinskom odnosno 8 sati u planinskom području, računajući od trenutka prestanka padavina.

Na cestama II prioriteta u vrijeme snježnih padavina i pojave ledene kiše ne smije doći do zastoja u odvijanju saobraćaja duže od 6 sati u toku dana.

Na cestama III prioriteta, obaveza je stvaranje uslova za sigurno odvijanje saobraćaja najduže 72 sata po prestanku padavina.

Na cestama IV prioriteta, radovi na obezbjeđenju prohodnosti izvode se nakon stvaranja uslova za sigurno odvijanje saobraćaja na cestama III prioriteta.

Za ulice koje nisu u kategoriji I, II, III i IV prioriteta, ovim Programom je predviđena nabavka 136 tona soli za sprječavanje poledice, i ista će biti dopremljena u svih 16 starogradskih mjesnih zajednica, na način da će se 2/3 planirane količine soli distribuirati po mjesnim zajednicama do 31.12.2017.godine, a ostatak (1/3) do 15.03.2018.godine.

METODOLOGIJA OBRAČUNA CIJENE ZIMSKE SLUŽBE

U prvom stepenu pripravnosti, izvođaču radova se obračunava 30 % od vrijednosti zimskog održavanja jednog dana i onda množi sa brojem dana u mjesecu sa prvim stepenom pripravnosti, tj. prema formuli:

$$X_{I-SP} = 0,3 \times N_{I-SP} \times (UUV / 120) \text{ [KM]}$$

gdje je:

- X_{I-SP} – dio mjesečne vrijednosti zimskog održavanja za dane prvog stepena pripravnosti,
- UUV – ukupna ugovorena vrijednost radova zimskog održavanja,
- N_{I-SP} - broj dana u mjesecu sa prvim stepenom pripravnosti.

U drugom stepenu pripravnosti, izvođaču radova se obračunava 70 % od vrijednosti zimskog održavanja jednog dana i onda množi sa brojem dana u mjesecu sa drugim stepenom pripravnosti, tj. prema formuli:

$$X_{II-SP} = 0,7 \times N_{II-SP} \times (UUV / 120) \text{ [KM]}$$

gdje je:

- X_{II-SP} – dio mjesečne vrijednosti zimskog održavanja za dane drugog stepena pripravnosti,
- UUV – ukupna ugovorena vrijednost radova zimskog održavanja,
- N_{II-SP} – broj dana u mjesecu sa drugim stepenom pripravnosti.

U trećem stepenu pripravnosti, izvođaču radova se obračunava 100 % od vrijednosti zimskog održavanja jednog dana i onda množi sa brojem dana u mjesecu sa trećim stepenom pripravnosti, tj. prema formuli:

$$X_{III-SP} = 1,0 \times N_{III-SP} \times (UUV / 120) \text{ [KM]}$$

gdje je:

- X_{III-SP} – dio mjesečne vrijednosti zimskog održavanja za dane trećeg stepena pripravnosti,
- UUV – ukupna ugovorena vrijednost radova zimskog održavanja,
- N_{III-SP} – broj dana u mjesecu sa trećim stepenom pripravnosti.

Eventualni radovi u IV stepenu pripravnosti se posebno obračunavaju (X_{IV-SP}).
Obračun vrijednosti radova zimskog održavanja za obračunski period (X_{OP}) se vrši na osnovu formule:

$$X_{OP} = X_{I-SP} + X_{II-SP} + X_{III-SP} + X_{IV-SP} \text{ [KM]}$$